

摘藻堂四庫全書薈要

史部

欽定四庫全書薈要卷六千二百九十九

金史卷五十七

元中書右丞相總裁托克托等修

志第三十八

百官三

內命婦 官人女職 皇后位下女職
東宮官屬 親王府屬 太后兩宮官屬

大興府 諸京留守司 諸京城宮苑

提舉等職 按察司 諸路總管府 諸

府 諸節鎮防禦刺史縣鎮等職

諸轉運錢穀等職 諸府鎮兵馬等職

諸明安部族及羣牧等職

內命婦品元妃貴妃淑妃德妃賢妃正一品昭儀昭容

昭媛修儀修容修媛充儀充容充媛曰九嬪正二品

婕妤舒正三品美人正四品才人正五品各九員曰二

十七世婦寶林正六品御女正七品采女正八品各

二十七員曰八十一御妻

按令格貞祐後之制貴妃下有真妃淑妃下有麗妃

柔妃而無德妃賢妃九嬪曰婕妤下有麗人才人為

正三品順義淑華淑儀為正四品尚宮夫人尚宮左

夫人尚宮右夫人宮正夫人寶華夫人尚儀夫人尚

服夫人尚寢夫人欽聖夫人資明夫人為正五品尚

儀御侍尚服御侍尚寢御侍尚正御侍寶符宸侍奉

思令人奉光令人奉徽令人奉美令人為正六品司

正御侍寶符御侍司儀御侍司符御侍司寢御侍司
飾御侍司設御侍司衣御侍司膳御侍司藥侍侍仙
韶使光訓良御侍訓良侍導訓良侍從訓良侍為正
七品典儀御侍典膳御侍典寢御侍典飾御侍典設
御侍典衣御侍典藥御侍仙韻副使承和良侍承惠
良侍承宣良侍為正八品掌儀御侍掌服御侍掌寢
御侍掌飾御侍掌設御侍掌衣御侍掌膳御侍掌藥
御侍仙韶掌音祇肅良侍祇敬良侍祇愿良侍為正
品九

宮人女官職員品秩皆同唐制尚宮二人掌導引皇后
管司記司言司簿司闈仍總知五尚須物出納等事
司記二人典記二人掌記二人掌在內諸文書出入

目錄為記審訖付行縣印等事女史六人掌職文簿
司言二人典言二人掌言二人女史四人掌宣傳啓
奏之事司簿二人典簿二人掌簿二人女史六人掌
宮人名簿庫賜之事司闈六人典闈二人掌闈六人
女史四人掌宮闈管鑰之事尚儀二人掌禮儀起居
管司籍司樂司賓司贊事司籍二人典籍二人掌籍
二人女史十人掌經籍教學紙筆几案之事司樂四
人典樂四人掌樂四人女史二人掌音樂之事司賓

二人典賓二人掌賓二人女史二人掌賓客參見朝
會引導之事司贊二人典贊二人掌贊二人女史二
人彤史二人掌禮儀班序設板贊拜之事尚服二人
掌司寶司衣司飾司杖之事司寶二人典寶二人掌
寶二人女史四人掌珍寶符契圖籍之事司衣二人
典衣二人掌衣二人女史四人掌御衣服首飾之事
司飾二人典飾二人掌飾二人女史二人掌膏沐巾
櫛服玩之事司仗二人典仗二人掌仗二人女史二

人掌仗衛兵器之事尚食二人掌知御膳進食先嘗

司膳司醞司藥司饌事司膳四人典膳四人掌膳四

人女史四人掌膳羞器皿司醞二人典醞二人掌醞

二人女史四人掌酒醴司藥二人典藥二人掌藥二

人女史二人掌醫藥司饌二人典饌二人掌饌二人

女史二人掌宮人食并柴炭之事尚寢二人管司設

司輿司苑司燈事司設二人典設二人掌設二人女

史二人掌帷帳牀褥枕席洒掃鋪設司輿二人典輿

二人掌輿二人女史二人掌輿繖扇羽儀司苑二人
典苑二人掌苑二人女史二人掌苑園種植蔬果司
燈二人典燈二人掌燈二人女史二人掌燈油火燭
尚功二人掌女功管司製司珍司絲司計司製二人
典製二人掌製二人女史二人掌裁縫衣服纂組之
事司珍二人典珍二人掌珍二人女史二人掌金珠
玉寶財貨之事司絲二人典絲二人掌絲二人女史
二人掌錦文緋綵絲帛之事司計二人典計二人掌

計二人女史二人掌支度衣服飲食柴炭雜物之事宮正
二人掌總知宮內格式糾正推罰之事司正二人同
掌典正二人糾察違失女史四人

皇后位下女職

依隆慶宮所設人數大定元年定

司閨一員八品掌宮

內諸事并給散宮人俸給食料秉儀一員八品丞儀
一員九品掌左右給事宣傳啟奏經籍紙筆之事直
閣一員司陳一員九品掌帳幕牀褥輿織洒掃鋪陳
薪炭燈燭之事秉衣一員奉衣一員九品掌首飾衣

服器玩諸寶財貨裁製繅絲之事掌饌一員八品奉饌一員九品掌飲食湯藥酒醴蔬果之事

東宮官宮師府太子太師太子太傅太子太保正二品太子少師太子少傅太子少保正三品掌保護東宮導以德義海陵天德四年始定制宮師府三師三少詹事院詹事三寺十率府皆隸焉左右諭德為東宮僚屬

詹事院太子詹事從三品少詹事從四品掌總統東宮

內外庶務左右衛率府從五品掌周衛導從儀仗左
右監門正六品掌門衛禁鑰僕正正六品副僕正七
品僕丞正九品掌車馬廐牧弓箭鞍轡器物等事掌
寶二人從六品掌奉寶謹其出入典儀從六品贊儀
從七品司贊禮儀侍正正七品侍丞正八品掌冠帶
衣服左右給使之事典食令正八品丞正九品承奉
膳羞侍藥正八品奉藥正九品承奉醫藥掌飲令正
八品丞正九品承奉賜茶及酒果之事家令正八品

家丞正九品掌營繕栽植鋪設及燈燭之事司經正
八品副正九品掌經史圖籍筆硯等事司藏從八品
副從九品掌庫藏財貨出入之事司倉從八品副從
九品掌倉廩出納薪炭等事中侍局都監正九品同
監從九品掌東閣內之禁令省察宮人廩賜給納諸
物轄侍人等左諭德右諭德正五品左贊善右贊善
正六品掌贊諭道德侍從文章內直郎正七品

右屬宮師府

親王府屬官傳正四品掌師範輔導叅議可否若親王
在外亦兼本京節鎮同知府尉從四品本府長史從
五品明昌三年改掌警嚴侍從兼總統本府之事司
馬從六品同檢校門禁總統府事文學二人從七品
掌贊導禮義資廣學問記室叅軍正八品掌表牋書
啟之事大定七年八月始置二十年不專除令文學
兼之

諸附馬都尉正四品

提舉衛紹王家屬提舉從六品同提舉從七品舊為東

海郡候邑令丞

提舉鎬厲王家屬提舉同提舉

以上二宅天興元年始聽自便

提舉鞏國公家屬提控同提控

太后兩宮官屬正大元年置衛尉從三品副衛尉從四

品左典禁右典禁從五品奉令正七品奉丞正八品

太僕正六品副僕正七品門衛二員正六品典寶二

員正六品謁者二員從六品閣正從七品閣丞從八

品食官令正八品食官丞正九品官令正八品官丞
正九品醫令正八品醫丞正九品飲官令正八品飲
官丞正九品主藏正八品副主藏主廩從八品副主
廩正九品

大興府尹一員正三品掌宣風導俗肅清所部總判府
事餘府尹同兼領本路兵馬都總管府事車駕巡幸
則置留守同知少尹判官惟留判不別置以總判兼
之同知一員從四品掌通判府事餘府同知同此少

尹一員正五品掌同同知總官判官一員正六品掌

紀綱總府衆務分判兵案之事府判一員從五品掌

諮議叅佐糾正非違紀綱衆務分判吏部工案事推

官二員從六品掌同府判分判戶刑案事內戶推掌

通檢推排簿籍

舊一員大定五年增一員

知事正八品掌付事勾

稽省置文牘總錄諸案之事都孔目官女直司一員

漢人司一員職同知事掌監印監受案牘餘都孔目

官同此不常置省則吏目攝

六案此理七人五人內女直十五人漢人六十

一司吏分作六案各置孔目官一員掌呈覆糾正本
案文書餘分前後行其他處應設十人以下六人以
上者置孔官官三人及置提點所處仍舊女直司吏
若十二人以上分設六案不及者設三案五人以上
設一案通掌六案事
以上名充孔目官
知法三員從八品女直一員漢

人二員掌律令格式審斷刑名

抄事一人掌抄事目
寫法狀以前後行吏

人選公
使百人

女直教受一員東京北京上京河東東西路

山東東西路大名咸平臨潢陝西統軍司西南詔討

司西北路招討司博索路海蘭路率賓扶餘呼爾哈

隆州泰州蓋州並同此皆置醫院醫正一人醫工八

人

諸京留守司留守一員正三品帶本府尹兼本路兵馬
都總管同知留守事一員正四品帶同知本府尹兼
本路兵馬都總管副留守一員從四品帶本路少尹
兼本路兵馬副都總管留守判官一員從五品都總
管判官一員從五品掌紀綱總府衆務分判兵案之
事推官一員從六品掌同府判分判刑案之事上京
兼管林木事同獄一員正八品

司吏女直司吏上京
二十人北京十三人

東京十人南京西京各五人漢人司吏三十萬戶以上六十人二十五萬戶五十五人十萬戶以上四十人七萬戶以上三十五人五萬戶以上三十人三萬戶以上二十四人不及萬戶十人譯人上京北京各三人東京西京南京各二人通事二人

知法女直漢人各一員南京漢

人二員

抄事一人掌抄錄事目書寫法狀公使百人

京城門收支器物使

貞祐元年置每城一面設一員五年南京隨門設設舊有小都監後

省八品品十四

開陽門

宣仁門

安利門

平化

戶部辟舉舉

門 通遠門

宜照門

利川門

崇德門

迎秋

門 廣澤門

順義門

迎朔門

順常門

廣智

門已上各門副尉兼職

真祐五年制
乃罷小都監

十四門尉從七

品副尉正九品

上京提舉皇城司提舉一員從六品同提舉一員從七

品

司吏
一人

南京提舉京城所提舉一員正七品同提舉一員從七

品掌本京城壁及繕修等事不常置上京同此管勾

一員正八品掌佐繕治受給官一員掌收支之事壕

寨官一員掌監督修造

皇城使一員正八品副使一員正九品掌宮闕繕修之事不常置

管勾北太一員同樂員二員正八品掌守宮園繕修之事

慶元宮小都監三員掌鋪陳祭器諸物餘官同
花園小都監二員

東京宮苑使一員

西京北
京同

東京西京御容殿閣門各二員掌享祀禮數鋪陳祭器

東京萬寧宮小都監一員

按察使本提刑司承安三年以上京東京等提刑司併為一提刑使兼宣撫使勸農採訪事為官稱副使判官以兼宣府撫使判官為名復改宣撫為安撫各設安撫判官一員提刑一員通四員安撫司掌鎮府人民譏察邊防軍旅審錄重刑事安撫判官則街內不帶勸農採訪事令專管千戶穆昆安撫使副內差一員於咸平一員於上京分司承安四年罷咸平分司

使在上京副在東京各設簽事一員永安四年改按
察司貞祐三年罷止委監察採訪使一員正三品掌
審察刑獄照刷案牘糾察濫官汙吏豪猾之人私鹽
酒麴並應禁之事兼勸農桑與副使簽事更出巡案
副使正四品兼勸農事簽按察司事正五品永安四
年設判官二員從六品大定二十九年設明昌元年
以陝西地濶添一員知事正八品永安三年上京者
兼經歷安撫司使泰和八年十一月省議以轉運司

權輕州縣不畏不能規措錢穀遂詔中都轉運依

舊專管錢穀事自餘諸路按察使並兼轉運使副使

兼同知簽按察並兼轉運副添按察判官一員為從

六品中都西京路按察司官止兼西京路轉運使事

遼東路惟上京按察安撫使及簽事依舊署本司事

遼東轉運使兼按察副使同知轉運使兼簽按察司

事轉運副使兼按察判官添知事一員知法二員從

八品

書史四人書吏十人抄
事十人公使四十人

右中都西京並依此置

陝西上京兩路設簽按察司事二員上京簽安撫司
事上京東京等路按察司并安撫司使正三品鎮撫
人民譏察邊防運旅之事仍專管明安穆昆教習武
藝及令本土純愿風俗不致改易副使二員正四品
簽按撫司事正五品簽按察司事正五品知事兼安
撫司事正八品知法四員從八品

書吏十人上京東
京書吏十八人女

直十二人漢人六人中都西京女直五人漢人五人
北京臨潢女直三人漢人五人南京女直二人漢人
七人山東女直三人漢人七人
大名女直三人漢人六人抄事一人公使十人
右按察使於

上京副使於東京各路設簽事一員分司勾當惟安撫司不帶勸農字內知事於上京自餘並於兩處分減存設

諸總管府謂府尹兼領者都總管一員正三品掌統諸城隍兵馬甲仗總判府事同知都總管一員從四品掌通判府事惟博索路同知都總管兼來遠軍事兵馬副都總管一員正五品所掌與同知同總管判官一員從六品掌紀綱總府衆務分判兵案之事府判

一員從六品掌紀綱衆務分判戶禮案仍掌通檢推排簿籍推官一員正七品掌同府判分判工刑案事

知法一員

司吏女直山東西路十五人大名十四人山東東路咸平府臨潢府各十二人海蘭

路河北西路各十人博索路十一人河北東路八人河東南北路京兆慶陽臨洮鳳翔延安各四人漢人戶十八萬以上四十二人十五萬以上四十人十三萬以上三十八人十萬以上三十五人七萬以上三十二人五萬以上二十八人三萬以上二十二人不及三萬戶二十人博索路海蘭路各二人譯人咸平三人河北東西山東東西海蘭大名臨潢各二人餘各一人通事博索海蘭路高麗通事一人臨潢北部通事一人部路通事一人小部路通事二人慶陽府通事一人抄事一人公使八十人臨潢別置伊喇十

三人凡諸府置員平

同惟海蘭路無府事

諸府

謂非兼總
管府事者

尹一員正三品同知一員正四品少尹

一員正五品府判一員從六品掌紀綱衆務分判吏

戶禮案事專掌通檢推排簿籍推官一員正七品掌

同府判兵刑工案事府教授一員知法一員

司吏女
直皆三

人漢人若管十六萬戶四十人十四萬以上三十八
人十二萬以上三十五人十萬以上三十二人七萬
以上三十人五萬以上二十五人三萬戶以上二十
人不及三萬戶十七人譯人一人通事一人抄事一
人公使
七十人

諸節鎮節度使一員從三品掌鎮撫諸軍防刺總判本
鎮兵馬之事兼本州管內觀察使事其觀察使所掌
並同府尹兼軍州事管內觀察使同知節度使一員
正五品通判節度使事兼州事者仍帶同知管內觀
察使副使一員從五品節度判官一員正七品掌紀
綱節鎮衆務僉判兵馬之事兼制兵刑工案事觀察
判官一員正七品掌紀綱觀察衆務僉判吏戶禮案
事通檢推排簿籍知法一員州教授一員司獄一員

正八品

司吏女直隆州十四人蓋州十二人泰州十人率賓呼爾哈各十人扶餘八平宗懿定

行策密滄美那同雄寶克那經翔泰聖豐雲內許徐

鄧鞏麟全肇各三人餘各二人漢人伊府尹數例譯

人一人通事二人抄事一人公使人上鎮七十中六

人五下六十人惟扶餘呼爾哈率賓各二十人哈斯

罕路扶餘路呼爾哈路率賓路

四節鎮省觀察判官而無州事

諸防禦州防禦使一員從四品掌防捍不虞禦制盜賊

餘同府尹同知防禦使事一員正六品掌通判防禦

使事判官一員正八品掌簽判州事專掌通簽推排

簿籍知法從九品州教授一員司軍從九品軍轄兼

巡捕使從九品

司吏女直一人漢人管戶五萬以上二十人以率而減譯人一人通事一

人抄事一人公使上州六十

人中五十五人下五十人

諸刺史州刺史一員正五品掌同府尹兼治州事同知

一員正七品通判州事判官一員從八品簽判州事

專掌通檢推排簿籍司軍從九品知法一員軍轄兼

巡捕使從九品

司吏女直韓慶信樂薊通登覆瀋貴德涿利建州來遠軍各三人餘各二

人抄事一人公使上州五十中四十五下四十惟來

遠軍同下州省同知凡諸州以上知法並於孔目官

內輪差運司押司官並同無孔

目官以上各司吏充司縣同此

諸京警巡院使一員正六品掌平理獄訟警察別部總

判院事副一員從七品掌驚巡之事判官二員正九

品掌檢稽失簽判院事

司吏女直中都各三人上東京三京各二人餘各一人漢

人中都十五人南京九人西京八人東京六人北京五人上京四人惟東西北上京無副使

諸府節鎮錄事司錄事一員正八品判官一員正九品

掌同警巡司

司吏五萬以上設六人以下為率減之凡撫鎮二千戶以上則依此置以下則

止設錄事一員不及百戶者並省

諸防刺州司候司司候一員正九品司判一員從九品

司吏公使七人

然亦驗戶口置

赤縣

謂大興宛平縣

令一縣從六品掌養百姓按察所部宣導

風化勸課農桑平理訟獄捕盜賊禁止游惰兼管常

平倉及通檢推排簿籍總判縣事丞一員正八品掌

貳縣事主簿一員正九品掌同縣丞尉四員正八品

專巡捕盜賊餘縣置司尉者同此

司吏十人內一名取識女直漢字者

充公使

十人

次赤縣又曰劇縣令一員正七品丞一員正九品主簿

一員正九品尉一員正九品

諸縣令一員從七品丞一員正九品主簿一員正九品

尉一員正九品凡縣二萬五千戶以上為次赤為劇

二萬以上為次劇在諸京倚郭者曰京縣自京縣而

下以萬戶以上為上三千戶以上為中不滿三千為

下中縣而下置丞以主簿與尉通領巡捕事下縣則

不置尉以主簿兼之

中縣司吏八人下縣司吏六人公使皆十人

諸知鎮

知城

知堡

知寨

皆從七品

其設公使皆與縣同

惟驗戶口

置司吏

諸司獄司獄一員正九品提控獄囚

司吏一人公使二人典獄二人防守

獄囚門禁啓閉之事

獄子防守罪守者

市令司惟中都置令一員正八品

南遷以左右警使兼

丞一員正

九品掌平物價察度量權衡之違式百貨之估值

司吏

四人公

使八人

軍器庫使一員正八品副使一員從九品掌甲冑兵仗

司吏二人庫子掌出納之數看守巡護中都南京依此置西京省副使北京惟副使仍兼八作使隨府節

鎮設使副若軍器兼作院軍資兼軍器庫及防刺郡則置都監一員以軍資監兼者如舊

作院使一員副使一員掌監造軍器兼管徒囚判院事

都監一員掌收支之事

牢長監管囚徒及差設牢子中都南京依此置仍加都字

南京省都司一員東京西京置此或副一員上京並省隨府節鎮作院使副並以軍器此副兼之其或置一員或以軍資庫兼之若元設甲院都監處並薊州專設此副者並仍舊

都轉運司使正三品掌稅賦錢穀倉庫出納權衡度量之制同知從四品副使正五品都勾判官從六品紀綱衆務分判勾案惟南京勾判兼上林署丞五籍判

官二員從六品舊止一員永安四年增置一員不許

別差專等拘收徵剋等事支度判官二員從六品掌

勾判分判支度案事監鐵判官一員從六品都孔目

官二員勾稽文牘知法二員從八品

都勾案戶籍案
監鐵案支度案

開折案司吏女直八人漢人九十人抄事一人譯吏
三人通事一人押遞五十人監運諸物公使八十人
惟中都路置都轉運司省戶度判官各五度判官各
一員南京西京北京遼東山東西路河北東路則置
女直知法漢知法各一員山東東路河東南路北
路河北西路陝西東西路則置漢知法一員餘官皆同
中都置女直司司吏遼東路十人西京北京山東同
路各五人餘路皆四人譯史遼東路二人餘各二人

通事各一人漢人司司吏課額一百八十萬貫以上者五十人百五十萬貫以上者十五人百二十萬貫以上四十人九十萬貫以上三十五人六十萬貫以上三十人三十萬貫以上二十五人不及三十萬貫二十人公使人各七人押遞南京山東東西河河東南路河北西路五十人西京河東北路河北東路各四十人餘路各三十人

山東鹽使司與寶抵滄解遼東西京北京凡七司使一

員正五品他司皆同副使二員正六品它司皆一員判官

三員正七品泰和作四員寶抵皆州設二員餘司皆一員掌幹鹽利以佐

國用管勾二十二員正九品寶抵皆西京則設六員北京遼東西州則設四

員同管勾都同監皆省

掌分管諸場發買收納恢辦之事同管

勾五員都監八員監同各七員知法一員

司吏二十二人女直

三人漢人十九人譯人一人抄事公使四十人它司皆同

中都都麴使司

使從九品副使正七品掌監知人戶醞造麴蘖辨課以佐國用餘酒使監醞辨課同此都監二員正八品

掌檢署文簿檢視醞造

司吏四人公使十人凡京都及鎮定皆為都麴酒使司設

官吏同此他處置酒使司課及十萬貫以上者設使副小都監各一員五萬貫以上者設使副各一員已

上皆設司吏三人三萬貫以上者設使及都監各一員司吏二人不及二萬貫者為院務設都監同監各一員不及十貫之院務止設都監一員其他稅醋使司及榷場與酒稅相兼者視課多寡設官吏皆同此諸酒稅使三萬貫以上者正八品諸酒榷場使從七品五萬貫以上副使正八品

提舉南京路榷貨事從八品

中都都商稅務司使一員正八品副使一員正九品

正大

元年陞為從七品

掌從寔辦課以佐國用都監一員從九品

掌簽署文簿巡察匿稅

司吏四人公使十人餘置官吏同酒使司

中都廣備庫使一員從七品副使一員從八品判官一

員正九品掌足帛顏色油漆諸物出納之事

攢典四人庫子

十四人內十二人收支二人應辦掌排數出納看守巡護之事與庫官通管

永豐庫鑲鐵院都監隸焉使一員從七品副使一員從

八品判官一員正九品掌泉貨金銀珠玉出納之事

攢典三人庫子十二人內十人收支二人應辦凡歲收二十五萬貫者置庫子十人不及二萬貫者置二人

鑲鐵院都監二員管勾生熟鐵釘線

攢典一人京府鎮通州並依此

置判都監監皆省或兼軍器並作院或設使若副一員防刺郡設都監一員乃兼軍器庫

南京交抄庫使一員正八品副使一員正九品掌出入

錢鈔兌便之事

攢典二人攢寫計帳類會合同庫子八人掌受納錢數辦驗交鈔毀舊主

簿
歷

中都流泉務大定十三年上謂宰臣曰聞民間質典利息重者至五七分或以利為本小民苦之若官為設庫務十中取一為息以助官吏廩給之費似可便民卿等其議以聞有司奏於中都南京東平真定等處并置質典庫以流泉為名各設使副一員凡典質物

使副親評價值許典七分月利一分不及一月者以日計之經二周年外又逾月不贖即聽下架出賣出帖子作寫質物人姓名物之名色金銀等第分兩及所典年月日錢貫下架年月之類若亡失者收贖日勒合千人驗元典官本并合該利息賠償入官外更勒庫子驗典物日上等時估償之物雖故舊依新價償仍委運司佐貳幕官識漢字者一員提控若有違犯則究治每月具數申報上司大定二十八年十月

京府節度州添設流泉務凡二十八所明昌元年皆

罷之二年在都依舊存設使一員正八品副使一員

正九品掌解典諸物流通泉貨勾當官一員

攢典二人

中都典宅務管勾四員正九品各以二月分左右廂

掌官房地基徵收官錢檢料修造摧毀房舍

攢典左右廂各

五人掌徵收及檢料修造房屋之事庫子左右廂各

三人催錢人左右廂各十五人又別設左廂平樂樓

花園子一名右

廂館子四人

南京店宅務同

中都左右廂別貯院使一員從八品副使一員正九品

判官從九品掌拘收退朴等物及出給之事

摺典庫子同前

中都木場使一員從八品副使一員判官一員皆正九

品掌拘收材木諸物及出給之事

司吏一人庫子四人花料一人木匠

一
人

中都買物司使一員從八品副使一員正九品掌收買

官中所用諸物都監四員從九品掌支應等事

司吏二人

京兆府司竹監管勾一員從七品掌籓養竹園採斫之

事

司吏一人監兵百人給籓養採斫之役

諸綾錦院

置於真定平陽太原河間懷州

使一員正八品副使一員正

九品掌織造當課疋段之事

規措京兆府耀州三白渠公事規措官正七品掌灌漑

民田點檢渠堰官一員掌點檢啓閉涇陽等縣渠堰

司吏

三人

漕運司提舉一員正五品景州刺史兼領掌河倉漕運

之事同提舉一員正六品勾當官從八品掌催督起

運綱船

司吏六人分掌課起起運兩科各設孔目官前後行各一人僦使課掌吏戶禮案起運料

掌兵刑工案公使八十
一人押綱官七十六人

景州依此置肇州提舉舉兼

本州同知同提舉兼州判

諸倉使正八品副使正九品掌倉廩畜積受納租稅支

給祿廩之事

稽典掌收支文歷行署案牘歲收一萬石以上設二人倉子掌斛斗盤費出納

看守之事

草場使副使掌儲積受給之事

稽典二人場子掌積聚出納看守巡護之事歲

收五萬以上設四人中都南京歸德河南京兆鳳翔
依此置西京省副使餘京師鎮各設使副一員防刺
仍舊置都

監一員

南京諸倉監支納官草場監支納官正八品

南京提控規運柴炭使正五品副使正六品

京西規運柴炭場使從八品副使正九品

諸總管府節鎮兵馬司都指揮使一員正五品巡捕盜

賊提控禁夜糾察諸捕徒屠宰牛馬總判司事副都

指揮使二員正六品貳使職通判司使分管內外巡

補盜賊

軍典十二人常本庫各籍差遣文簿行署文書巡補等事餘軍典同此司吏一人譯人一

人公使

十人指揮使一員從六品鈴轄四都之兵以屬都

指揮使專署本指揮使事軍使一員正七品指揮之

職左右什將各一人共管一都

軍典二人營典一人左右承局各一人左

右押管各一人以上軍員每百人為一指揮使各一員分四都每都設左右什將承局押官各一若人數不及附近相合者並依上置如無可相合者三百人以上為一指揮二百人以上止設指揮使一百人止設軍使仍百人以上立為一都不及百人設什將承局押官各一其指揮下軍使什將下軍典營典各同此置惟北京西京止設使副各一員

諸府鎮都軍司都指揮使一員正七品

節鎮軍都指揮使則從七品

掌軍率差役巡捕盜賊總判軍事仍與錄事同管城

墮

軍典二人公使六人九諸府及節鎮並依此置

諸防刺州軍轄一員掌同都軍兼巡補仍與司候同管

城壁

軍典二人

諸府州兵馬鈴轄一員從六品掌巡捕盜賊若有盜則

總押隨處巡尉併力巡捕

司吏二人京兆咸平濟南鳳翔萊密懿州平依此

置惟京兆咸平府置

兵馬都鈴轄餘平省

諸巡檢中都東北都巡檢使一員正七品通判置司分

管大興渤海昌平通順薊盈州界盜賊事

司吏一人掌行署文

書馬軍十五人於武衛馬軍
內選少壯熟閑弓馬人充

西南都巡檢一員正七品良鄉縣置司分管良鄉宛平
安次永清縣并涿易州界盜賊事

諸州都巡檢使各一員正七品副都巡檢使各一員正

八品

司吏各一人 右宿泗唐鄆蔡毫陳潁德華
河隴泰等州并西北路依此置餘不加使字

散巡檢正九品內泗州以管勾排岸兼之皆設副巡檢

一員為之佐

右地險要處置司唐鄆宿泗潁壽蔡等
州及緣邊二十五處置大定二十二年

廣寧府大斧山置巡檢司明昌五
年七月升蔡州劉揮村置巡檢

潼關關使兼譏察官正七品掌關禁譏察姦偽及管鑰

啓閉副譏察正九品掌任使之事

司吏二人女直漢人各一

居庸

關紫荆關通會關會安關及他關皆設使從七品

大慶關管勾河橋關兼譏察事一員正八品掌解繫浮

橋濟度舟楫巡視河道修完埽岸兼率埽兵四時功

役栽植榆柳預脩物料譏察姦偽等事同管勾一員

司吏二人女直漢人各一人

鼎大陽津渡惟置譏察官一員

孟津渡譏察一員正八品掌譏察姦偽副譏察一員正

九品

司吏二人

提舉譏察使使正五品副使從五品

陝西一員河南二員

南選置

譏察使正七品副使正八品南選後陝西置於秦州

河南置於唐鄧息壽泗五州

提舉秦藍兩關提舉從五品同提舉正六品

南選後置

提舉三門集津南北岸正六品

南選後置

汧淮譏察使從五品

管勾泗州兼排岸巡檢正九品

諸邊將正將一員正七品掌提控部保將輪番巡守邊

境副將一員正八品部將一員正九品輪番巡守邊

境隊將正九品

鄜延九將慶陽十將臨洮十四將鳳翔十六將河東三將並依此置

統軍司

河南山東陝西益都

使一員正三品督領軍馬鎮攝封陞

分營衛視察姦副都軍一員正四品判官一員從五

品紀綱庶務簽司事

大足九年置

知事一員從七品知法

二員從八品女直漢人各一

書史十三人女直八人漢人五人掌行署文牘

上名監印守當官四人譯書四人通事一人抄事一人公使五十人河南依此置山東不設判官置法以

益都府知

法兼之

招討司

三處置西北路
西南路東北

使一員正三品副招討使二員

從四品招懷降附招討携離判官一員從六品紀綱

職務簽判司事勘事官一員從七品知事一員正八

品知法二員從八品女直漢人各一

司吏十九人譯
人三人通事六

人內諸部三人河西一人伊喇三十人以上各充都
管炒事一人公使五十人西北路增勘事官一員東

北路不置

漢人知法

諸明安穆昆隸焉明安從四品掌修理軍務訓練武藝

勸課農桑餘同防衛

司吏四人譯人二人塔瑪差役人數並同舊例

諸穆昆

從五品掌撫輯軍務訓練武藝惟不管常平倉餘同

縣令

女直司吏一人
譯人一人塔瑪

諸部族節度使節度使一員從三品統制各部鎮撫諸

軍餘同州節度副使一員從五品判官一員知法一

員

司吏四人女直漢人各半通事一人譯人一人
塔瑪右部羅大部族特哩袞部族並依此置

諸紮詳袞一員從五品掌守戍邊堡餘同穆昆皇統八

年六月設本班左右詳袞定為從五品默濟格一員

從八品掌貳詳衮

司吏三人實訥昆掌木札差役等事塔瑪隨從也茂札唐古札伊喇

札穆騰札古勒敦札蘇嚕克札並依此置惟蘇嚕克

札添設譯人一名士民須知某年有蘇穆坦札呼敦

札哈瑪爾札無蘇

嚕克札穆騰札

諸額爾奇木司額爾奇木一員從八品分掌部族村寨

事

司吏女直一人漢人一人寔納昆掌本札差役等事塔瑪右土魯渾部族南北額爾奇木司依此置

部羅大部族左右額爾奇

木司置女直司吏一人

諸圖哩圖哩一員從七品掌部洛詞訟訪察違背等事

女直司吏一

人通事一人

諸羣牧所又國言謂烏爾古提控諸烏爾古一員正四

品明昌四年置

是年以安遠大將軍尚廐局使舒穆魯貞兼處州刺史為之設直直司吏

三人譯一人

使一員從四品

國言作烏爾古使

副使一員從

通事一人

六品掌檢校羣牧畜養蕃息之事判官一員正八品

掌檢判本所事知法一員從八品

女直司吏四人譯人一人塔孺十六

人使八人副五人判三人又設繅衮圖依達分掌諸畜所謂牛馬羣子也

惟班第音烏濟

騰布希羣牧依此置

金史卷五十七

欽定四庫全書薈要卷六千三百

金史卷五十八

元中書右丞相總裁托克托等修

志第三十九

百官四

符印

百官俸給

鐵券

官詔

符制初穆宗之前諸部長各刻信牌交互馳驛訊事擾人太祖獻議自非穆宗之命擅製牌號者寘重法自是號令始一收國二年九月始製金牌後又有銀牌木牌

之制蓋金牌以授萬戶銀牌以授明安木牌則穆昆佛
寧所佩者也故國初與空名宣頭代軍帥以為功賞遞
牌即國初之信牌也至皇統五年三月復更造金銀牌
其制皆不傳大定二十九年製綠油紅字者尚書省文
字省遞用之朱漆金字者勅遞用之並左右司掌之有
合遞文字則牌送各部付馬鋪轉遞日行二百五十里
如臺部別奉聖旨文字亦給如上制虎符之制承安元
年製以禮官言漢與郡國守相為銅虎符唐以銅魚符

起軍旅易守長等用之至是斟酌漢唐典故其符用虎
並五左一右左者留御前以侍臣親密者掌之其右符
隨路統軍司招討司長官主之闕則次官主之若發兵
三百人以上及徵兵召易本司長貳官從尚書省奏請
左第一符近侍局以囊封付主奏者尚書備錄聖旨與
符以函同封用尚書省印記之皆專使帶牌馳送至彼
主符者視其封以右符勘合然後奉行若有一參差者
不敢承用主者復用囊封貯左符上用職印具發兵狀

與符以本司印封即日還付使者送尚書省以進乃更其封以付內掌之人若復有事左符以次出周而復始仍各置籍注付受日月若盜賊急速不容先陳者雖三百人以上其掌兵官司亦許給付隨即言上詔即施行之貞祐三年更定樞密院用鹿符宣撫司用魚符統軍司用虎符若發銀牌若省付部及點檢司者左右司用匣封印驗封交受若發於他處並封題押以匣貯之印制太子之寶大定二十二年世宗幸上京鑄守國之

寶以授皇太子二十八年世宗不豫以皇太孫攝政鑄攝政之寶貞祐三年十二月以皇太子守緒控制樞密院詔以金鑄撫軍之寶如世宗時制於啓稟之際用之百官之印天會六年始詔給諸司其前所帶印記無問有無新給悉上送官敢匿者國有常憲至正隆元年以內外官印新舊名及階品大小不一有用遼宋舊印及契丹字者遂定制命禮部更鑄焉三師三公親王尚書令並金印方二寸重八十兩駝紐一字玉印方一寸七

分半金鍍銀重四十兩鍍金二字諸郡王印方一寸六
分半金鍍銀重三十五兩鍍金三字國公無印一品印
方一寸六分半金鍍銀重三十五兩鍍金三字二品印
方一寸六分金鍍銅重二十六兩東宮三師宰執與郡
王同三品印方一寸五分半銅重二十四兩四品印方
一寸五分銅重二十兩五品印方一寸四分銅重二十
兩六品印一寸三分銅重十六兩七品印一寸二分銅
重十六兩八品印一寸一分半銅重十四兩九品印一

寸一分銅重十四兩凡朱記方一寸銅重十四兩天德二年行尚書省以其印小遂命擬尚書省印小一等改鑄大定二十四年二月鑄行尚書省御史臺并左右三部印以從幸上京泰和元年八月安國軍節度使高有鄰言本州所掌印三曰安國軍節度使之印曰邢州觀察使印吏戶禮案用之曰邢州之印兵刑工案用之以名實不正乞改鑄宰臣奏謂節度使專行之事自當用節度使印觀察使亦如之其六曹提點所軍兵民訟則

當用本州印著為定制上從之泰和八年閏四月勅殿
前都檢司依總管府例鑄印以金木水火土五字為號
如本司差人則給之

鐵券以鐵為之狀如卷瓦刻字畫欄以金填之外以御
寶為合半留內府以賞殊功也

官誥親王紅遍地雲氣翔鸞錦標金鸞五色羅十五幅
寶裝犀軸一品紅遍地雲鶴錦標金雲鶴五色羅十四
幅犀軸二品三品紅遍地龜蓮錦標素五色綾十二幅

玳瑁軸四品五品紅遍地水藻戲鱗錦標大白綾十幅
銀裏間鍍軸元牙軸承安四年改之大定二年復改爲
金縷角軸六品七品紅遍地草錦標小白綾八幅角軸
大安加銀縷公主王妃與親王同郡主縣主夫人紅遍
地瑞蓮鵲渤錦標金蓮鵲渤五色羅十五幅郡王夫人
國夫人紅遍地芙蓉花錦標金花五色綾十二幅玳瑁
軸縣君孺人鄉君紅遍地雜花錦標素五色小綾十幅
銀裏間鍍軸軸之制如經二寸餘大錢貫樞之兩端復

以犀象為鈿以轄之可圓轉如輪

金格二品紅羅畫雲氣盤龍錦標金龍五

色羅十七幅寶裝玉軸二品翔鳳標金鳳羅十五幅五品翔鸞錦標金

軸三品四品盤鳳標金鳳羅十五幅五品翔鸞錦標金

鸞羅十四幅以上幅皆用五色羅軸皆用犀六品御仙

花錦標金花五色綾十二幅七品八品九品太平花錦

標金花五色小綾十幅軸皆用玳瑁凡標皆紅幅

皆五色夫人以上制授餘勅授皆給本色錦囊

百官俸給正一品三師錢粟三百貫石麴米麥各五十

稱石春衣羅五十匹秋衣綾五十匹春秋絹各二百匹

綿千兩三公錢粟二百五十貫石麴米麥各四十稱石

春衣羅四十匹秋衣綾四十匹春秋絹各一百五十匹

綿七百兩親王尚書令錢粟二百二十貫石麴米麥各三十五稱石春衣羅三十五匹秋衣綾三十五匹春秋絹各一百二十匹綿六百兩皇統二年定制皇兄弟及子封一字王者為親王給二品俸餘宗室封一字王者以三品俸給之天德二年以三師宰臣以下有以一官而兼數職者及有親王食其祿而復領他事者前此並給以奉今宜從一高其兼職之俸並不重給至大定二十六年詔有一官而兼數職其兼職得罪亦不能免而

無廩給可乎遂以職務煩簡定為分數給兼職之俸從
一品左右丞相都元帥樞密使郡王開府儀同錢粟二
百貫石麴米麥各三十稱石春秋衣羅綾各三十匹絹
各一百匹綿五百兩平章政事錢粟一百九十貫石麴
米麥各二十八稱石春羅秋綾各五十五匹絹各九十
五匹綿四百五十兩大宗正錢粟一百八十貫石麴米
麥各二十五稱石羅綾同上絹各九十匹綿四百兩正
二品東宮三師副元帥左右丞錢粟一百五十貫石麴

米麥各二十二稱石春羅秋綾各二十二匹絹各八十匹綿三百五十兩從二品錢粟一百四十貫石麴米麥各二十稱石春羅秋綾各二十匹絹各七十五匹綿三百兩同判大宗正錢粟一百二十貫石麴米麥各十八稱石春羅秋綾各十八匹絹各七十匹絹二百五十兩正三品錢粟七十貫石麴米麥各十六稱石春羅秋綾各十二匹絹各五十五匹綿二百兩外官錢粟一百貫石麴米各十五稱石絹各四十匹綿三百兩公田三十

頃統軍使招討使副使錢粟八十貫石麴米麥十三稱

石絹各三十五匹綿百六十兩公田二十五頃都運府

尹錢粟七十貫石麴米麥十二稱石絹各三十匹綿百

四十兩天德二年省奏職官公田歲入有數前此百姓

各隨公宇就輸而吏或貪冒多取以傷民宜送之官倉

均定其數與月俸隨給從三品錢粟六十貫石麴米麥

各十四稱石春秋衣羅綾各十匹絹各五十匹綿百八

十兩外官錢粟六十貫石麴米麥各十稱石絹各二十

五匹綿一百二十兩公田二十一頃皇統元年二月詔
諸官職俱至三品而致仕者祿俸依人各給其半正四
品錢粟四十五貫石麴米麥各十二稱石春秋衣羅綾
各八匹絹各四十匹綿一百五十兩外官錢粟四十五
貫石副統軍錢粟五十貫石絹各二十二匹綿八十兩
職田十七頃餘同下麴米麥各八稱石絹各二十匹綿
七十兩公田十五頃許帶酒三十瓶鹽三石從四品錢
粟四十貫石麴米麥各十稱石春秋羅綾各六匹絹各

三十匹綿一百三十兩外官錢粟四十貫石麴米麥各
七稱石絹各十八匹綿各六十兩公田四十四頃明安
錢粟四十八貫石餘皆無烏爾古使同其職田大定二
十年詔明安穆昆俸給令運司折支銀絹省臣議若估
粟折支各路運司儲積多寡不均宜令依舊支請牛頭
稅粟如遇凶年盡貸與民其俸則於錢多路府支放錢
少則支銀絹亦未晚也從之正五品錢粟三十五貫石
麴米麥各八稱石春秋衣羅綾各五匹絹各二十五匹

綿一百兩外官刺史知軍鹽使錢粟三十五貫石麴米
麥各六稱石絹各十七匹綿五十五兩公田十三頃餘
官錢粟三十貫石麴米麥同上絹各十六匹綿五十兩
職田十頃從九品錢粟三十貫石麴米麥六稱石春秋
羅綾各五匹絹各二十匹綿八十兩外官錢粟二十五
貫石麴米麥各四稱石絹各十匹綿四十兩公田七頃
穆昆錢粟二十貫石餘皆無喬家部族都鈐轄無職田
正六品皆錢粟十五貫石麥五石絹各十七匹綿七十

兩外官與從六品皆錢粟二十貫石麴米麥三稱石絹
各八匹綿三十六兩公田六頃從六品錢粟二十二貫
石麥五石春秋絹各十五匹綿六十兩烏爾古副使同
無職田正七品錢粟二十二貫石麥四石衣絹一十二
匹綿五十五兩外官諸同知州軍都轉運判諸府推官
諸節度判諸觀察判諸京縣令諸劇縣令提舉南京京
城規措渠河官諸都巡檢諸酒麴鹽稅副諸正將錢粟
一十八貫石麴米麥各二稱石春秋衣絹各七匹綿二

十五兩諸司屬令諸府軍都指揮俸同上無職田潼關
使錢粟一十八貫石麴米麥各一稱石衣絹各六匹綿
三十兩無職田從七品錢粟一十七貫石麥四石衣絹
各一十匹綿五十兩外官統軍司知事錢粟一十七貫
石麥四石衣絹各一十匹綿五十兩諸鎮軍都指揮使
錢粟一十八貫石麴米麥各二稱石衣絹各七匹綿二
十五兩招討司勘事官諸縣令諸驚巡副京兆府竹監
管勾五品鹽使司判諸部圖哩同提舉上京皇城司同

提舉南京京城所黃河都巡河官諸河稅榷場使錢粟
一十七貫石麴米各二稱石衣絹各七匹綿二十五
兩職田五頃會安關使諸知鎮城堡寨錢粟一十五貫
石麴米麥各一稱石衣絹各六匹綿二十兩職田四頃
正八品朝官錢粟一十五貫石麥三石衣絹各八匹綿
四十五兩外官市令諸錄事諸防禦判赤縣令諸劇縣
令崇福埽都巡河官諸錄事使醋使榷場副諸都巡檢
錢粟一十五貫石麴米麥各一稱石衣絹各六匹綿二

十兩職田四頃烏爾古判官俸同上無職田按察司知
事大興府知事招討司知事諸副都巡檢使錢粟一十
三貫石麴米麥各一稱石衣絹各六匹綿二十兩職田
二頃諸司屬丞俸同上無職田諸節鎮以上司獄諸副
將錢粟一十三貫石衣絹各三匹綿一十兩職田二頃
南京京城所管勾河橋諸司使管勾河橋諸關渡譏察
官同樂園管勾南京皇城使通州倉使錢粟一十二貫
石衣絹各三匹綿一十兩節鎮諸司使中運司柴炭場

使錢粟一十貫石衣絹各二匹綿八兩從八品朝官錢
粟一十三貫石麥三石衣絹各七匹綿四十兩外官南
京交鈔庫使諸統軍按察使知法錢粟一十三貫石麥
三石衣絹各七匹綿四十兩諸州軍判官諸京縣丞諸
次劇縣丞諸三品鹽司判官漕運司管勾永豐廣備庫
副使左右別貯院木塲使錢粟一十三貫石麴米麥各
一稱石衣絹各六匹綿二十兩職田二頃默濟格額爾
奇木錢粟一十三貫石麥二石衣絹各五匹綿一十五

兩職田三頃正九品朝官錢粟一十二貫石麥二石衣
絹各六匹綿三十五兩外官南京交鈔庫副錢粟一十
二貫石麥二石衣絹六匹綿三十五兩諸警巡判官錢
粟一十三貫石麴米麥各一稱石衣絹六匹綿一十兩
職田三頃諸縣丞諸酒稅副使錢粟一十二貫石麥一
石五斗衣絹各五匹錦一十七兩職田三頃市丞諸司
候諸主簿諸錄判諸縣尉散巡河官黃河埽物料場官
錢粟一十二貫石麥一石衣絹各三匹綿一十兩職田

二項管勾泗洲排岸兼巡檢副都巡檢諸巡檢俸例同上並無麥及職田諸鹽場管勾左右別貯院木場副永豐廣備庫判錢粟一十二貫石衣絹各三匹綿一十兩職田二項諸都將隊將錢粟一十二貫石麥一石衣絹各三匹綿一十兩職田二項店宅務管勾錢粟一十二貫石綿絹同上京府諸司副南京皇城副通州倉副同管勾河橋諸副譏察錢粟一十一貫石衣絹各二匹綿八兩諸州軍司獄錢粟一十一貫石衣絹各二匹綿八

兩職田二頃節鎮諸司副中運司柴炭場副錢粟一十

貫石衣絹各三匹綿八兩從九品朝官錢粟一十貫石

麥二石衣絹各五匹綿三十兩外官諸教授錢粟一十

二貫石麥一石衣絹各三匹綿一十兩職田三頃三品

以上官司知法錢粟一十貫石麥一石衣絹各三匹綿

一十兩司候判官錢粟一十一石衣絹各二匹綿八兩

職田二頃諸防刺軍轄俸同上無職田諸榷場同管勾

左右別貯院本場判錢粟一十貫石衣絹各三匹綿六

兩諸京作院都監通州倉判五品以上官司知法錢粟

九貫石衣絹各二匹綿六兩諸府作院都監諸埽物料

場都監錢粟八貫石衣絹各一匹綿六兩諸節鎮作院

都監諸司都監錢粟八貫石衣絹各二匹諸司同監錢

賈七貫石絹同上陝西東德州世襲蕃巡檢分例月支

錢粟一十貫石衣絹各二匹綿一十兩陝西西京原州

世襲蕃巡檢月支錢二貫三百九十文米四石五斗絹

三匹河東北路葭州等處世襲蕃巡檢月支錢粟一十

貫石絹二匹綿一十兩

宮闈歲給太后太妃宮每歲各給錢二千萬綵二百段
絹千匹綿五千兩諸妃歲給錢千萬綵百段絹三百匹
綿三千兩嬪以下錢五百萬綵五十段絹二百匹綿二
千兩貞元元年妃嬪婕妤美人及供膳女侍并仙韶長
春院供應人等歲給錢帛各有差

凡內職貞祐之制正一品歲錢八千貫幣百段絹五百
匹綿五千兩正二品歲錢六千貫幣八十段絹三百匹

綿四千兩正三品歲錢五千貫幣六十段絹二百匹綿

三千兩正四品歲錢四千貫幣六十段絹百五十匹綿

二千兩正五品尚宮夫人歲錢二千貫幣二十段絹百

匹綿千兩尚宮左右夫人至宮正夫人錢千五百貫幣

十九段絹九十匹綿九百兩寶華夫人以下至資明夫

人錢千貫幣十八段絹八十匹綿八百兩

有大小令人大小承御大

小近侍
俸各異

正六品尚儀御侍以下錢五百貫幣十六段絹

五十匹綿二百兩正七品司正御侍以下錢四百貫幣

十四段絹四十匹綿百五十兩正八品典儀御侍以下
錢三百貫幣十二段絹三十匹綿百兩正九品掌儀御
侍以下錢二百五十貫幣十段絹二十六匹綿百兩
百司承應俸給省令史譯史錢粟一十貫石絹四匹綿
四十兩省通事樞密令史譯史錢粟十二貫石絹三匹
綿三十兩樞密通事六部御史臺令譯史錢粟一十貫
石衣絹三匹綿三十兩六部等通事誥院令史國史院
書寫隨府書表親王府祇候郎君典客署引接書表錢

粟八貫石絹二匹綿二十兩走馬郎君一品子孫十貫
石內祇八貫石班祇七貫石並絹二匹綿二十兩護衛
長支正六品俸長行從六品俸符寶郎奉御東宮護衛
長錢粟十七貫石絹八匹綿四十兩東宮護衛長行十
五貫石絹四匹綿四十兩筆硯承奉閣門祇候侍衛親
軍百戶十二貫石絹四匹綿三十兩妃護衛奉職符寶
典書東宮八殿實達爾十貫石絹二匹綿三十兩勒留
則添二貫石尚衣奉御捧案擎執奉輦扎布書畫隨庫

左右藏庫儀鸞局尚輦局諸處所設巴哩巴妃奉事八
貫石絹三匹綿三十兩侍衛親軍五十戶九貫石絹三
匹綿三十兩未係班絹三匹綿二十兩長行七貫石絹
二匹綿二十兩弩傘什將八貫石傘子五貫石太醫長
貫石絹三匹綿奉上醫十貫石副奉上同隨位承應都
監未及十五歲者六貫石從八品七貫石從七品八貫
石從六品九貫石從五品十貫石從四品十二貫石止
掌文書者添支三貫石牌子頭等添支二貫石司天四

科人九品六貫石八品七貫石六品九貫石五品十貫石四品十二貫石止教授管勾十貫石學生錢三貫米五斗典客書表八貫石絹二匹綿二十兩東宮筆硯六貫石尚廐獸醫秘書監楷書六貫石秘書琴碁等侍詔七貫石駝馬牛羊羣子擠酪人皆三貫石

諸使司都監食直二十萬貫以上六十貫十萬貫已上五十貫五萬貫以上四十貫三萬貫已上三十貫二萬貫已上二十五貫諸院務監官食直五千貫已上監官二

十貫同監十五貫二千貫已上監官十五貫同監十貫
一千貫已上監官十五貫一千貫已下監官十貫

舊制凡監臨使司院務之商稅增者有賞虧者剋俸大
定九年上以吏非祿無以養廉於是止增虧分數為殿
最乃罷剋俸給賞之制而監官酬賞仍舊二十年詔十
萬貫以上鹽酒等使若虧額五厘剋俸一分奏隨處提
點院務官賞格其省除以上提點官并運司親管院務
若能增者十分為率以六分入官二分與提點所官二

分與監官充實若虧亦依此例剋俸若能足數則全給
大定二十二年定每月先支其半外如不虧則全支虧
一分則剋其一分補足貼支隨路使司院務并坊場例
多虧課上曰若其實可減處約量裁減亦公私兩便也
二十三年以省除提控官與運司置司處虧課一分剋
俸一分其罰涉重亦命先給月俸之半餘俸驗所虧分
數剋罰補公田則不在剋限二十六年四月奏定院務
監官虧永陪償格

諸京府運司提刑司節鎮防刺等漢人女直契丹司吏
譯史通事孔目官八貫押司官七貫前後行六貫諸防
刺已上女直契丹司吏譯史通事不問千里內外錢七
貫公田三頃諸鹽使司都目十四貫司吏六貫諸巡院
司縣司獄等司吏有譯史通事者同錢五貫

凡諸吏人
月支大紙

五十張小紙五百
張筆二管墨二錠

諸職官上任不過初二日罷任過初五日者給當月俸
或受差及因公幹未能之官者計程外聽給到任祿若

文牒未至前官在任及後官已到前官差出其祿兩支
職田皆給後官凡職田畝取粟三斗草一稱倉場隨月
俸支俸麴則隨直折價諸親王授任者祿從多職田從
職朝官兼外官同六十以上及未六十而病致仕者給
其半年承應及軍功初出職未歷致仕雖未六十者亦
給半年祿內外吏員及諸局分承應人病告至百日則停
給除程給假者俸祿職田皆以半給衣絹則全給皇家
祖免以上親戶別給

夫亡妻亦同

若同居兄弟收明明安穆

昆及歷任承應人者不任給限大功以上錢粟一十三貫石春秋衣絹各四匹小功粟一十貫石春秋衣絹各三匹總麻袒免錢粟八貫石春秋衣絹二匹

諸馳驛及長行馬職官日給

謂奉宣省院臺部委差或許差者下文置所等官同

一品三貫文二品二貫文三品一貫五百文四品一貫二百文五品一貫文六品八百文七品六百文八品九品四百文有職事官日給外路官往回口券依上款給一品二貫文二品一貫六百文三品一貫一貫二百文

四品一貫文五一九百文六品七百文七品六百文八品九品四百文無職事官並驗前職日給無前職者以應時者待闕職事給之四品一貫三百文五品一貫二

百文六品九百文七品七百文八品九品五百文隨朝

吏員

宣差及省部差委官
踏逐者引者亦同

及統軍司按察司書吏譯人

本局差委及隨逐者日給錢各一百五十文燕賜各部

官僚以下日給米糧分例無草地處內親王給馬二十

五尺草料親王米一石宰執七斗王府三斗府尉二斗

員外郎司馬各一斛六升監察御史尚書省都事大理
司直六部主事各八升檢知法七升省令譯史六升院
臺令譯史省通事各五升院臺通事六部令譯史通事
省祇候郎君使庫都監各四升誥院令史樞密院伊喇
各三升王府直府王府及省知印直省御史臺令引王
府教讀王傳府尉等下司吏外路通事省醫工調角匠
招討司伊喇各二升寫誥諸祇候人

巴哩巴人同

大程官院

子酒匠藥火各一升萬戶一斛六升明安八升穆昆四

升佛寧二升正軍伊勒希旗鼓吹笛司吏各一升諸外
方進貢及回賜并人使長行馬每疋日給草一稱粟一
斗宮中

東官同

承應人因公差出皆驗見請錢粟貫石口

給食料若係本職者住程不在給限其常破馬草料局
分如被差長行馬公幹本夫草料即聽驗日剋除若特
奉宣差勾當者依本格十八貫石以上九百文十七貫
石八百六十文十五貫石以上五百四十文七貫石以
上四百六十文六貫石四百二十文五貫石三百八十

文四貫石三百三十文三貫石二百八十文二貫石二百三十文

諸試護衛軍聽自起發日為始計程至都北至試補其間各日給口券若揀退還家者亦驗回程給之

未起開
注口數

不在
走限其正收之後再揀退者亦給人三口米糧錢一百

百文馬二足草料諸簽軍赴鎮防處及班祇充押遞橫

差別路當當千里以上者公路各日給米一升馬一疋

草料

無馬有驢者
各支給本
格

車駕巡幸顧工馬夫三百文步夫二

百三十文圍鵝夫隨程幹辦人各二百文傳遞果子夫
一百五十文車駕巡幸若於私家內安置行宮者約量
給賜段夫廟神厨祠祭度勾當人少府監隨色工匠部
役官受給官司吏錢粟二貫石春秋衣絹各一匹

諸局作匠人請俸繡女都管錢粟五貫石都繡頭錢粟
四貫石副繡頭三貫五百石中等細繡人三貫石次等
細繡人二貫五百石習學巴哩巴正辦人夫次等之半
描繡五人錢粟三貫石司吏二人三貫石修內司作頭

五貫石工匠四貫石春秋衣絹各二匹軍夫除錢糧外
日支錢五十米一升半百姓夫每日支錢一百米一升
半國子監雕字匠人作頭六貫石副作頭四貫石春秋
衣絹各二匹長行三貫石射糧軍匠錢粟三貫石春秋
衣絹各二匹習學給半初習學匠錢六百米六斗春秋
絹各一匹布各一匹民匠日支錢一百八十文

諸隨朝五品以下職事官身故

因公差出及以禮去任
未給解由者身故同

驗品從去鄉里里支給津遣錢

並受職事給之下
條承受應人准此若外

路官員在任依理身故者皆依上官品地里減半給之

若係五百里內不在給限五百里外五品一百貫六品

七品八十貫八品九品六十貫一千里外五品一百二

十貫六品七品一百貫八品九品八十貫二千里外五

品一百七十貫六品七品一百五十貫八品九品一百

貫三千里外五品二百五十貫六品七品二百貫八品

九品一百五十貫諸隨朝承應人身故應給津遣錢者

護衛

東宮護衛同

奉御符寶都省樞密院御史臺令譯史同

九品官通事宗正府六部令譯史

統司書吏譯書按察司書吏同親軍

減九品官五分之一通事隨朝書表吏員譯人

統軍司通事守

當官按察司書吏譯人分治都水監典史同

及諸局分承應人

武衛軍同

減五分

之三天壽節設施老疾貧民錢數在都七百貫

官籍監給諸

京二十五貫

此以下並係省錢給

諸府二十貫文諸節鎮一十五

貫文諸防刺史軍一十貫文諸外縣五貫文

城寨係堡鎮同

諸

孤老幼疾人各月給米二斛錢五百文春秋衣絹各一

尺五歲以下身死者給錢一貫埋殯諸因災傷或遭賊

驚却饑荒去處良民典顧昌賣為驅遇恩官贖為良分

例若元價錢給

男子一十五貫文婦人同年幼各減半

六歲以下

即聽出離不在贖換之限

諸士庶陳言利害若有可採行之便於官

民者依驗等第給賞上等銀絹三十兩匹中等二十兩

匹下等一十兩匹其陳數事止從一支

若用大事應補官者從吏部格

宣宗貞祐元年十二月以糧儲不足詔隨朝官承應人

俸計口給之餘依市直折之諭旨省臣曰聞親軍俸粟

每石以麥六斗折之所省能幾而失衆心令給本色二

年八月始給京府州縣及轉運司吏人月俸有差舊制
惟吏案孔目官有俸餘止給食錢故更定焉三年詔損
宮中諸位歲給有差監察御史田廻秀言國家調度行
纔數月已復停滯所患在吏太多收太少若隨時裁損
所支而增其收庶可久也因條五事一日朝官及令譯
吏諸司吏員諸局承應人太冗濫宜省併之隨處屯軍
皆設寄治官徒費俸給不若令有司兼總之且汧河亭
障各駐鄉兵彼皆白徒皆不可用不若以此軍代之以

省其出四月以調度不給罷隨朝六品以下官及承應人從其人力輸傭錢減收其司所役軍夫之半經兵處州府司外例減三分之二減一其餘除開封府南京轉運司外例減三分之一有祿官吏而不出境者並罷給券出境者給其半興定二年正月詔陝州等處司縣官徵稅不足闕其俸給何以養廉自今不復闕俸彰化軍節度使張行信言送宣之使其自五品而上各有定數後竟停罷今軍官以上俸待使者有所饋獻至六品以

下亦不免如例而莫能辦則斂所部以與之至有獲罪者保舉縣尹特增其俸然法行至今而關以西尚有未到任者豈所舉少而不敷耶宜廣選舉以補其闕且丞簿亦親民者也而獨不增安能禁其侵牟哉

金史卷五十八

欽定四庫全書
經義集解

總校官舉人臣章維桓
校對官中書臣吳樹宣
謄錄監生臣龔履正

欽定四庫全書薈要

史部
金史卷五十九
六十九

詳校官祭酒臣韋謙恒



欽定四庫全書蒼要卷六千三百一

金史卷五十九

元中書右丞相總裁托克托等修

表第一

宗室表

古者太史掌叙邦國之世次辨其姓氏別其昭穆尚矣
金人初起完顏十二部後皆以部為氏史臣記錄有稱
宗室者有稱完顏者稱完顏者亦有二焉有同姓完顏



蓋疎族若實圖美都古嚕訥是也有異姓完顏蓋部人若罕都是也大定以前稱宗室明昌以後避睿宗諱稱內族其實一而已書名不書氏其制如此宣宗詔宗室皆稱完顏不復識別馬大定泰和之間袒免以上親皆有屬籍以叙授官大功以上薨卒輟朝親親之道行焉貞祐以後譜牒散失大槩僅存不可殫悉今撮其可次第若著于篇其上無所係下無所承者不能盡錄也

幹魯

匡本名蘇色八
世孫太師尚
書令定國公

右始祖子與德帝凡二人

博囉

呼實

和卓特進

右德帝子與安帝凡二人

信德

錫赫特

巴達儀同
三司

錫哩布

博諾
開府儀同三司

錫里庫

右安帝子與獻祖凡五人博勒和稱安帝五代孫
不稱誰子不可以世置之卷末

巴圖

阿布哈

圖庫

都古嚕訥

薩里罕

薩克蘇

右獻祖子與昭祖凡七人

烏肯徹

希卜蘇

受滿
貝勒
金源
郡王

呼沙呼

真定
留守

宗亨

本名托
卜嘉寧
州刺史

宗賢

本名色哩
太子保
右丞相
兼都元

伯赫

擦幹

昂

本名瑣都
太子保
兼都元
帥漢國

宗浩

本名要左
丞相兼
都元帥

恬霞努

宿直
將軍

伯勒赫

幹里延

和碩台

右昭祖子與景祖凡六人實古納稱昭祖曾孫崇
成稱昭祖玄孫不稱誰子不可以世置之卷末

和卓

韓國公

薩哈

古倫高赫
哩貝勒金
源郡王

宗翰

本名尼瑪
哈太保領
三省事秦
王

東德

本名伊
遜儀同
三司

色克

勸農
副使

扎巴台

特進

宗憲

本名阿
蘭尚書
右丞相

薩巴

銀青光
祿大夫

色哩

幹魯

行西南西
北兩路都
統事鄭王

噶順

鄭國公

昱

本名普嘉
努大司空
豫國公

赫色

本代國
公

滿丕

虞國
公

滿都布

金紫
光祿
大夫

阿魯

奉御

們都
襲明安

素赫
襲明安

薩哈連
襲明安

惟鎔

本名默呀和
州經歷使子
從傑鎮南軍
節度副使

阿里罕

古倫英
實貝勒
隋國公

賽音

宗尹

本名阿
里罕平
章政事

尼楚赫

襲明安

宗寧

本名阿多
古平章政
事代國公

尙

韓州刺史

晏

本名鄂倫
太尉左丞
相廣平郡
王

伊呀訥

宗道

本名巴克
實臨洮尹
龍虎衛上
將軍

們圖琿

阿斯罕
貝勒鄭
國公

穆里延

工部
尚書

右景祖子與世祖肅宗穆宗凡九人伊克阿里布

稱係出景祖不稱誰子不可以世置之卷末

威泰

魏王

果

本名舍音
安班貝勒
遼王

宗義

本名博
濟平章
政事

佛們

龍虎衛
上將軍

烏色

衛王

宗永

本名塔塔
震武軍節
度使

阿古爾

襲明
安

威赫

龍虎衛
上將軍
任王

阿魯

龍虎衛
上將軍

博勒津

龍虎衛
上將軍

烏哲

魯王正
隆例改
封公

實圖美

驃騎上
將軍

璋

本名呼密
臨洮尹

阿庫納

漢王

棟摩

魯王

宗叙

本名德
壽參知
政事

扎拉

沂王

昂

本名烏達平
章政事鄭王

正嘉

益都
尹

承暉

本名福興
右丞相太
尉廣平郡
王

鶴壽

本名烏達布伊
囉絳摩
牧使

右世祖子與康宗太祖太宗凡十一人

訥古庫

溫國公

富勒呼

崇國公

右肅宗子二人

昌

本名達蘭行
臺左丞相

芬徹齊國公

富爾丹崇國公

算卓銀青光祿大夫

勗本名烏買大
師領王省事
金源郡王

宗秀本名色呼璋
昭義軍節度使
金紫光祿大夫

右穆宗子五人哈布爾稱穆宗孫不稱誰子不可

以世置之卷末

宗雄

本名摩囉
歡楚王

鶴哩頁

富勒呼

襲明安
金紫光
祿大夫

和勒端

金吾衛
上將軍

雲間

富德

上京路
提刑使
襲明安

安塔哈

太子太保
金源郡王

雅爾堅

阿林

兵部
尚書

騰格徹

昭武大將軍

威赫

勸農使
宋國公

右康宗子三人史載常春呼喇勒呼喇呼嚕徹珍

帕克巴思楚皆稱摩囉歡孫不稱誰子不可以世

宗幹

本名幹布
太師遼王

充

本名實圖美
左丞相鄭王

塔納

歸德軍節度使榮祿大夫

永元

本名元努
彰德軍節度使

袞

本名博怡
西京留守

襄

本名永慶輔
國上將軍銀
青光祿大夫

充

本名梧桐
太尉領三
省事

和尚

應國
公

阿哈

同知定武
軍節度使

阿里布

輔國上
將軍

額布勒

同知濟
南尹

宗望

本名鋒
皇雅布右副
元帥宋王

齊

本名舒
蘇特進

耀珠

襲明
安

宗弼

本名烏珠
太師領三
省事梁上

亨

本名伯
特廣寧
尹韓王

楊德

京

本名呼魯
西京留守

文

本名呼
喇德州
防禦使

烏里

豐王

宗傑

本名穆
王延趙

奭

會寧牧
郡王

阿蘭

達蘭

宗嵩

本名額爾
太保領三省
事克王

額魯

藩王

鄂爾多

幽王

宗強

本名阿
魯衛王

爽

本名阿林太
子太師榮王

色埒

忠順軍節
度副使

宗敏

本名阿里布
太保領東京
行臺尚書省
事曹王

褒

本名薩哈
連舒國公
進封王

阿蘇

濟南
尹

克實

兵部
尚書

阿里罕

密國
公

實訥埒

紀王

寧吉

息王

燕孫

莒王

幹琿

鄴王

右太祖子與景宣睿宗凡十六人遼王宗幹子與
海陵五人

宗磐

本名富勒呼
太師領三省
事宋王

宗固

本名呼魯太保右
丞相中書令幽王
大定間改封魯王

宗雅

本名呼拉布
中京留守代
王大定間改
封魯王

宗偉

本名阿里
布虞王

呼喇勒

京

本名和
索哩

宗英

本名呼沙
哩滕王

宗懿

本名阿林東
京留守薛王
大定間改封
薛王

宗本

本名阿嚕
太傅領三
省事原王
大定間改
封路王

呼蘭

翼王

宗美

本名呼爾
察判大宗
正事豐王
大定間改
封衛王

阿里庫

實圖美

鄆王大
定間改
封幽王

哈必蘇

霍王大
定間改
封滿王

沃哩

蔡王大
定間改
封鄂王

宗哲

本名和碩
益都尹畢
王大定間
改封韓王

宗順

本名阿魯
岱徐王大
定間改封
隋王

右太宗子十四人史載北京留守卞平陽尹稟皆

太宗孫不稱誰子不可以世

元

本名常勝
非王

育

本名和卓
太宗正丞

扎拉

安武軍節度使

右景宣子與熙宗凡三人

濟安

皇太子
謚英悼

道濟

魏王

右熙宗子二人

光英

本名阿
里布
太子

元壽

崇王

舒蘇鄂博

宿王

廣陽

滕王

右海陵子四人

沃哩布

齊王

右睿宗子與世宗凡二人

永中

本名陸喇
勅判平陽
府事鎬王

瑜

本名實吉
納銀青榮
祿大夫

璋

本名實
圖美

玘

本名阿索
美秦國上
將軍

瑑

本名阿里
哈奉國上
將軍

蘇尼

趙王

薩魯

越王

永功

本名桑阿
判中山府
事越王

珣

本名福祿
奉國上將
軍蕭國公

璿

本名壽孫
密國公

守禧

琳

本名尼
瑪哈

永成

本名羅索
判平陽府
事豫王

瑋

本名
仁壽

瑯

本名
仁安

永升

本名錫卜
察定武軍
節度使
王

璉

本名
罕都

永蹈

本名元楚
赫判定武
平事鄧王

安春

愛紳

永德

本名思楚
判大睦親
府事潞王

琰
本名
鄂倫

右世宗子與顯宗衛紹王凡十人

琮

本名永慶
開府儀同
三司鄧王

瓌

本名罕都
開府儀同
三司瀛王

從彛

本名阿
林秘書
監霍王

從憲

本名沃哩
布秘書監
瀛王

玠

本名摩囉歎
開府儀同三
司溫王

右顯宗子與章宗宣宗凡七人

洪裕

絳王

洪靖

本名阿
古刺荆
王

洪熙

本名鄂
特藏布
榮王

洪衍

本名薩
哈英王

洪輝

本名額
琳壽王

卷五十六

德里

葛王

右章宗子凡六人

從恪

皇太子

琚

本名
明安

瑄

本名
安春

璵

本名
阿禪

右衛紹王子史稱六子可以名見者四人

守忠

皇太子
諡莊獻

鏗

皇太孫
諡冲懷

玄齡

守純

本名希圖
判大睦親
府事荆王

額爾克

曹王

伯特羣王

右宣宗子與末帝凡四人他書載守純子三人可

以名見者二人

阿庫納始祖兄

不知世次

托卜嘉達太衛
始祖兄
後裔

呼實默驃騎衛
上將軍

果實哈斯罕
達貝勒

和卓達領辰
復二州

富色克達中正
節度使

額哩頁普州防
御使

布呼順天軍
節度使

博和哩
始祖

四世孫卓巴納實圖美

金源郡王

實實
特進

思敬
本名薩哈
平章政事

阿索美

忠

本名都古魯納
太子太師同中
書門下平章事
金源郡王

博勒和
安帝五
代孫泰
州都統

博索
特進

烏哲庫
呼爾哈
節度使

和勒博鐵

傳勒和
族兄弟

果

本名薩里
罕行臺尚
書左丞相
金源郡王

宗安

御史
大夫

實古納

昭祖曾
孫東京
留守

阿魯岱

參知
政事

襄

本名安尚
書左丞相
南陽郡王

崇成

本名布呼
昭祖玄孫
武衛軍都
指揮使

伊克

係出景
祖特選

阿里布

元帥右
監軍儀
同三司

固納

天德軍節
度使儀同
三司

喜格

宣武
將軍

額爾古納

臨洮尹
金紫光
祿大夫

薩克達

芬徹

西北路
招討使

阿里布

係出景祖
行臺左丞相
輝國公

烏達

崇義軍
節度使

烏達布

同知大
興尹

烏頁布

筆硯
祇候

哈布爾

穆宗孫
寧州刺史

齊

本名素赫利
步軍節度使

方

簽書樞密院
事襲穆昆

尼楚赫

宗室子中書令金源郡王

古雲

本名達蘭上京留守

瑪奇

尼楚赫母弟銀青光祿大夫

烏色

西北路招討使

巴爾斯

尼楚赫弟元帥左監軍

宗賢

本名阿魯太祖從姪博索路兵馬都總管

右諸宗室可譜者凡十一族雖稱係出某帝而不

能世次不譜於各帝之下所以慎也

金史卷五十九